

اللي يامرني بيه الآب، نديرو

1 "ما لازم يتَهَوَّل قلبكم، آمنو بالله وآمنو بيّ تاني،² في دار بابا كايّن بيوت بزّاف، لوكان ماشي هكدا، كُنت نقوللكم راني رايح نوجدلكم مكان،³ ولا نروح، نروح باش نوجدلكم مكان، نعاود نولي ونديكم لعندي، باش وين تكون أنا تكونو أنتوم تاني،⁴ وتعرفو وين نروح وتعرفو الطريق"⁵ قاللو توما: "سيدي، ما راناش عارفين وين رايح، كيفاش نقدر نعرفو الطريق؟"⁶ قاللو يسوع: "أنا هو الطريق والحق والحياة، واحد ما يجي للآب غير بيّ،⁷ ولا عرفتوني تكونو عرفتو بابا، ومن درك راكم تعرفوه وشفتوه"⁸ قاللو فيليب: "سيدي، ورينا الآب وهذا يكفيننا"⁹ قاللو يسوع: "كامل الوقت اللي راني معاكم وما زال ما عرفتنيش يا فيليب؟ اللي شافني شاف الآب، كيفاش أنت تقول، ورينا الآب؟"¹⁰ ما تامنش باللي أنا فالآب والآب فيّ؟ الكلام اللي تقولوهولكم، ما نقولوش من عندي، الآب اللي ساكن فيّ هو اللي يدير عمالو،¹¹ آمنوني باللي أنا فالآب والآب فيّ، ولا ما كاش آمنوني على جال هاد العمال،¹² نقوللكم الصّح الصّح، اللي يامن بيّ، العمال اللي يديرهم هو تاني يديرهم ويزيد يدير كتر منهم، خاطر أنا راني رايح للآب،¹³ واللي تطلبوه بأسمي نديرو، باش يتمجد الآب فالآب،¹⁴ ولا تطلبو حاجة بأسمي نديرها.¹⁵ ولا تحبوني، تطيعو فرايضي،¹⁶ وأنا راني رايح نطلب مالآب ويعطيكم شفيع واحد آخر باش يبقا معاكم للدوام،¹⁷ روح الحق اللي الدنيا ما تقدّرش تقبلو خاطر ما تشوفو ما تعرفو، أنتوم تعرفوه خاطر يبقا معاكم وراهو فيكم،¹⁸ ما نخليكمش يتامى، نجى ليكم،¹⁹ مزال شويّة والدنيا ما تزيدش تشوفني بصّح أنتوم تشوفوني خاطر أنا حيّ وأنتوم تحياو،²⁰ في هداك النهار، تعرفو أنتوم باللي أنا في بابا وأنتوم فيّ وأنا فيكم،²¹ اللي عندو فرايضي ويطيعهم، هداك اللي يحبني، اللي يحبني يحبو بابا وأنا نحبو ونعرفو بيّ"²² قاللو يهودا ماشي الإسخر يوطي: "سيدي، كيفاش باش حنا نعرفنا بيك والدنيا لالا؟"²³ واجب يسوع وقاللو: "ولا كان واحد يحبني، يطيع كلامي ويحبو بابا، نروحو ليه ونسكنو عندو،²⁴ واللي ما يحبنيش، ما يطيعش كلامي والكلام اللي تسمعه ماشي كلامي، كلام الآب اللي بعثني.²⁵ فلنلكم هاد الشي وأنا مازلني معاكم،²⁶ الشفيع، الروح القدس اللي يبعثو الآب بأسمي، هو يعلمكم كل

شي ويفكركم بكامل واش فلتلكم، 27 السلام نخليلكم، سلامي أنا نعطيلكم، أنا ما
نعطيلكمش كيما نعطى الدنيا، ما لازممش يتهول قلبكم وما لازممش يخاف، 28 سمعتو
باللي فلتلكم، نروح ونجي ليكم، ولا جيتو تحبوني تقرحو اللي راني رايح للآب، خاطر
الآب كبير عليّ، 29 ذرك راني هدرتلكم قبل ما يصرا الشى، باش كي يصرا تامنو، 30
ما نزيدش نهدر معاكم بزاف، خاطر راهو جاي أمير الدنيا وما عندو والو فيّ، 31
بصح لازم نعرف الدنيا باللي نحب الآب وباللي ندير كيما أمرني الآب، نوضو، هيّا
نروحو منّا"